



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

IZVJEŠTAJ O PREGLEDU
GODIŠNJEG FINANSIJSKOG IZVJEŠTAJA ZA 2005. GODINU
BOSANSKOHERCEGOVAČKE STRANKE PRAVA

Broj: 09-07-6-677/06
Sarajevo, 17. april 2007. godine

SADRŽAJ:

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KANCELARIJSKE REVIZIJE	4
Predmet kancelarijske revizije	4
Cilj kancelarijske revizije.....	5
Obim kancelarijske revizije	5
4. PRETHODNE REVIZIJE.....	5
5. NALAZI KANCELARIJSKE REVIZIJE I PREPORUKE	5
5.1. NALAZI	5
5.2. PREPORUKE.....	5

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju godišnjeg finansijskog izvještaja Bosanskohercegovačke stranke prava za 2005. godinu

Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda utvrđeno je sljedeće:

1. Stranka nije godišnji finansijski izvještaj popunila u skladu sa Pravilnikom o godišnjim finansijskim izvještajima. Na nivou stranke (obrascu 3) iskazani su veći prihoda iz budžeta za 8.133,74 KM od pojedinačnih na obrascu 3-f.
Na nivou stranke uopšte nisu iskazani troškovi, dok su na obrascu 4-1 iskazani troškovi u iznosu 5.608,60 KM.
2. Stranka u godišnjem finansijskom izvještaju nije iskazala troškove zakupnine poslovnog prostora za 2005. godinu. Koristila je tuđi prostor bez naknade, a da pri tome nije prijavila prilog političkoj stranci.

Na osnovu našeg pregleda, odnosno revizije finansijskog izvještaja, osim gornjih napomena pod 1. nismo zapazili ništa značajno što bi ukazalo na druge nedostatke u izvještaju ili finansiranju ove političke stranke, te nije potrebno vršiti dodatnu reviziju u prostorijama stranke po članu 14. stav 7. Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju godišnjeg finansijskog izvještaja Bosanskohercegovačke stranke prava za 2005. godinu

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05, od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Bosanskohercegovačka stranka prava je iskazala prihode u iznosu od 4.200,76 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	
2	Prilozi fizičkih lica	0,00	
3	Prilozi pravnih lica	0,00	
4	Prihodi od imovine	0,00	
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	20.401,00	93,93%
8	Ostali prihodi	1.319,00	6,07%
	Ukupni prihodi:	21.720,00	100,00%

U godišnjem finansijskom izvještaju Bosanskohercegovačka stranka prava nije iskazala troškove.

2. PREDSTAVLJANJE POLITIČKE STRANKE

Naziv političke stranke: Bosanskohercegovačka stranka prava. Skraćeni naziv stranke je BSP.
Stranka je registrovana 23.05.1994. godine kod Kantonalnog suda u Bihaću rješenjem broj 01:1/94.
Sjedište političke stranke je u Bihaću, Ulica Bihaćkih branilaca br.5.

Za zastupanje stranke ovlašteni su: Besim Šarić, predsjednik i Ismet Mujanović, generalni sekretar.
Za podnošenje finansijskih izvještaja za 2005. godinu je ovlašten je Šefik Malkoč.

U finansijskom izvještaju stranka je navela da ima organizacione dijelove nižeg nivoa, ali je iskazala samo:

- Glavni odbor i
- Opštinski odbor Bosanska Krupa

3. OPIS PREGLEDA I KANCELARIJSKE REVIZIJE

Predmet kancelarijske revizije je godišnji finansijski izvještaj BSP za 2005. godinu.

Cilj kancelarijske revizije je da revizor na bazi finansijskog izvještaja pokuša da ustanovi da li je BSP u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim kancelarijske revizije finansijskih izvještaja BSP obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta i priloge fizičkih i pravnih lica.

4. PRETHODNE REVIZIJE

Do sada nije vršena revizija finansijskih izvještaja BSP.

5. NALAZI KANCELARIJSKE REVIZIJE I PREPORUKE

5.1. NALAZI

- Stranka je u godišnjem finansijskom izvještaju na nivou stranke (obrascu 3) iskazala veći iznos prihoda iz budžeta u iznosu 8.133,74 KM od prihoda iskazanog na obrascu 3-f. Na nivou stranke uopšte nisu iskazani troškovi, dok su na obrascu 4-1 iskazani troškovi električne energije u iznosu 2.431,10 KM i troškovi telefona u iznosu 3.177,50 KM.
- Stranka ne raspolaže vlastitim prostorima, a nije ni iskazala troškove zakupnine poslovnog prostora za 2005. godinu. Koristila je tuđi prostor bez naknade, a da pri tome nije prijavila prilog političkoj stranci.¹

5.2. PREPORUKE :

Na osnovu uočenih nedostataka Bosanskohercegovačkoj stranci prava se preporučuje:

- *Stranka treba postupati u skladu sa odredbama člana 4. i člana 6. Zakona o finansiranju političkih stranaka*
- *Stranka mora podnositi finansijske izvještaje u skladu sa članom 11. Zakona o finansiranju političkih stranaka:*
 - *finansijski izvještaj treba sadržavati podatke utvrđene Zakonom i biti sačinjen u formi propisanoj Pravilnikom o godišnjim finansijskim izvještajima političkih stranaka*

Hasida Gušić, šef Službe za reviziju - revizor

¹ Prema odredbama člana 4. stav 2. Zakona o finansiranju političkih stranaka („Službeni glasnik BiH“ broj 22/00), pravno ili fizičko lice koje političkoj stranci pruža uslugu mora stranci ispostaviti račun, bez obzira na to ko snosi plaćanje usluge, odnosno, bez obzira da li je usluga pružena bez naknade. U skladu sa članom 6. istog zakona, ako ukupni iznos priloga jednog lica premašuje 100,00 KM, prilog se mora unijeti u finansijski izvještaj stranke.